



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

Oratio interna pro puritate cordis. 44

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

in caelestibus aīæ prosequitur. i. diligere te ex tota anima mea. Rogo denique per merita deificati humani spiritus tui, fac radiare per eum diuinitatem tuam in spiritum meum, & fac me tam ardentem te amare, sicut supremi spiritus angelici te amant, id est, ex tota mente mea. Sicque diligam cum spiritu, anima & corpore meo. In spiritu quidem ad gloriam tuam, in anima ad honorem tuum, & in corpore ad delicias tuas. Oro in super dulcissime domine Deus meus, conuertere omnes peccatores, & consolare omnes desolatas animas in purgatorio detentas. Et lux æterna, quæ in eis est, & ipsis, & nobis omnibus luceat. Quodque pro me, petij largire vniuersis, quatenus omnes tecum vnum in vinculo dilectionis & pacis, & in vnitatis spiritus effici mereamur, o vnice, æterne ac superdulcissime Deus, quies benedictus in secula, Amen.

Oratio interna pro venia peccatorum, pro susceptione venerabilis sacramenti, & pro puritate cordis. Cap. XLIII.

CRedo in Deum. Quod videlicet tu dñe in me existas, & vita sis animæ meæ, mecumque semper permanebis. Quilibet enim multa mala faciam vel feci, semper mecum secundum essentiam tuam permansisti, quippe cum sis vita animæ meæ. Sed nec in teipso turbatus mihi irasceris. Quia Deus immotus in teipso permanes. Attamen amicitiam tuam subtrahis animæ peccanti, & lumen ei gratiæ tuæ infundere recusas, ipsumque lucere in ea non sinis, quod diu peccatis sponte inhaeret. Ideoque quoties me peccasse deprehendo, intus aliquid te Deum meum debeo, dicendo: O dñe Deus meus
eccē

LIBER III.

ecce nunc sentio in me quod displicet tibi. Rogo
 proinde per amarissimam passionem tuam, da
 vt vere doleam de omnibus illis, quibus perdidit
 gratiam tuam, eaq; pure confitear, & nulla post
 hac ratione committam. Equidem libenter ea co-
 fiteri volo, speroq; me per gratiam tuam emen-
 datius victurum, confido nihilo minus & in te
 Deo meo, quod illa mihi libenter ignoscere ve-
 lis. Nam & amicus tuus esse, & tecum in perpe-
 tuum manere desidero. Sed quia sine te nihil pos-
 sum, nec tamen sine libero consensu voluntatis
 meae me saluare vis, ideo te deprecor suavissime
 Deus meus, qui te ipsum mecum vnisti, mane in
 me cum gratia tua, vt te in me quiescere delectet.

O benedicte Deus, credo quod quemadmo-
 dum in me es per diuinitatem tuam, ita & in cu-
 ctis rationalibus sis creaturis, factis ad imaginem
 tuam. Turcis quoque & infidelibus, quippe qui
 non es acceptor personarum. Sed et ipsi liberum
 habent arbitrium suum, & tu eos in esse conser-
 uas, nec discedis aliquando ab eis. Porro vita eo-
 rum displicet tibi: ideoque & amicitiam tuam sub-
 trahis ab eis. Nobis vero te ipsum reliquisti in su-
 per sanctissimo sacramento tuo. Proinde quia nec
 sine gratia tua, nec sine eiusdem perceptione sa-
 cramenti (in quo est sanctissimum corpus tuum
 & anima tua cum tota diuinitate tua) viuere pos-
 sum, dignare reficere esurietem animam meam,
 & refocillare sitibundum cor meum glorioso cor-
 pore tuo, & anima tua, & benedicta diuinitate
 tua in hoc ipso sacramento latentibus, quatenus
 in te mutari, & in gratia ac dilectione tua vale-
 am permanere. Sed & hoc da mihi domine De-
 us meus, vt ipsum in tui memoriam suscipiam,

FFV tuæ

MARGARITAE EVANG.

tue videlicet crucifixionis ac mortis. Denique per ineffabilem dolorem illum, quem in cruce sustinuisti, aufer a me omnes malas delectationes carnis meae, & adiuua me, vt nullam siue in caelo siue in terra delectationem requiram, & omnem poenam ac dolorem æquanimiter feram, vt sic te in me quiescere delectet. Sed & per magnam paupertatem illam, quã ex amore pro me in cruce & toto spacio vitæ tuæ sustinuisti, omnem in me rebus temporalium sitim & concupiscentiam extingue, et da mihi, quæ placita sunt tibi in aia et corpore. Quia tu solus, quibus indigeam, optime nosti. Ideoque & fiducialiter in te proiecio omnem curam & sollicitudinem meam, libenter facturus omnem voluntatem tuam. Postremo per maximam ignominiam illam, quam ex amore pro me in cruce sustinuisti, ita vt latrone te sceleratorem iudicarent, omnem a me ambitionem & animositatem repelle, quatenus in me honorent benedictum nomen tuum. Extrahe quoque ex me quicquid displicet tibi, & restitue mihi quacunque placita sunt tibi, facque me hominem secundum cor tuum, vt sic tibi placere valeam, & tu te ipsum in me, quoties placuerit tibi, spiritualiter ac etiam sacramentaliter accipere possis. Quod tibi dulcissime domine Deus meus ex intimo faueo affectu cordis mei, nec vlli libentius quam tibi, quatenus in me iuxta voluntatem tuam per merita tua impleatur desiderium tuum. Amen.

Oratio pro humilitate ac patientia.
Cap. XLV.

Da